

四經同卷

穢跡金剛說神通大滿陀羅尼法術靈要

清一

門經

穢跡金剛法林示百變法門經

佛說大乘大方廣佛冠經上下卷

佛說八種長養功德經

穢跡金剛說神通大滿陀羅尼法術靈要門經

北天竺國三藏沙門無能勝譯

如是我聞一時佛在拘尸那國力士生處跋提河邊娑羅雙樹間爾時如來臨入涅槃時有無量百千萬衆天龍八部人非人等啼泣向佛四面哽咽悲惱而住爾時復有諸天大衆釋提桓因等皆來供養唯有螺髻梵王將諸天女依於四面圍繞而坐前後天女千萬衆共相娛樂聞如來般涅槃而不來覲省時

諸大衆爲言今日如來臨般涅槃是彼梵王
何不來耶其王必有我慢之心而不來至此
我等徒衆驅使小呪仙往彼令取作是語已
策百千衆呪仙到於彼處乃見種種不淨而
爲城塹其仙見已各犯呪而死時諸大衆惟
未曾有復策無量金剛亦持呪而去乃至七
日無人取得大衆見是事已倍復悲哀爾時
大衆同聲而說偈言

苦哉大聖尊 入真何太速 諸天猶決定
天人追喚得 痛哉天中天 入真如火滅

時諸大衆說此偈已倍復哽咽悲啼嗥哭是
時如來愍諸大衆即以大遍知神力隨左心
化出不壞金剛即於衆中從座而起白大衆
言我有大神呪能取梵王作是語已即於大
衆中顯大神通變此三千大千世界六反震
動天宮龍宮諸鬼宮皆悉摧崩即自騰身至
梵王所以指指之其彼種種穢物變爲土地
爾時金剛至彼報言汝大愚癡我如來欲入
涅槃汝何不去耶以金剛不壞之力微以指
之梵王發心至如來所爾時大衆讚言大力

士汝能有是神力取彼梵王來至於此時金
剛即報言若有世間衆生被諸天惡魔一切
外道所惱亂者但誦我呪十萬遍我自現身
令一切有情隨意滿足永離貧窮常令安樂
其呪如是先發此大願南無我本師釋迦牟
尼佛於如來滅後受持此呪誓度群生令佛
法不滅久住於世說是願已即說大圓滿陀
羅尼神呪穢跡真言
唵 呬 呬 呬 呬 摩訶鉢囉_合 恨那 呬 呬
什 呬 微 咭 微 摩那 栖 鳴 深 暮 呬 呬

碎碎泮泮泮 娑訶
時彼金剛說此呪已復作是言我於如來滅
後常誦此呪若有衆生情願受持此呪者我
常爲給使者令所求如願我今於如來前說
此神呪惟願如來於真際中照知我等世尊
若有衆生多被諸惡鬼神之所惱亂誦此呪
者皆不能爲害水離苦難世尊若有善男子
善女人欲救療萬病者先持此神呪四十萬
遍見有病者治之有驗無問淨與不淨隨意
驅使我當隨從滿一切願若欲令枯樹生枝

業者取白膠香一大兩塗樹心楊枝呪樹一百遍日三時至滿三日即生華果若欲令枯泉出水者淨灰圍之取井華水三升置泉中於寅時呪一百八遍水如車輪涌出若欲令枯山生草木取寶鐵刀一口於四方圍山呪三千遍七日滿即生若欲令野獸歸伏者取安息香燒向有獸住處呪一千遍其獸至夜間並集持法人門首歸降如人間六畜相似隨意驅使永不相捨若欲令夜叉自來歸降者取桃柳枝十翦齊截取水一碩煎取五升

勝桃柳枝出以丁香三大兩乳頭香三大兩白膠香三大兩後和柳水煎取五升即置一破盆中取一桃枝長三尺攪水誦呪一百遍一切夜叉羅刹皆來現共行法人語請求與人死爲侍者若令諸惡鬼神毒蛇蠍猛獸等毒以滅者取淨灰圍所居穴孔普自出來當微出聲呪之一百遍其蛇等一切蟲獸各滅毒心不敢傷人速得解脫若令惡鬼不傷人者取食一搏呪七遍與食永不傷人復不出聲若欲令惡人來降伏者書前人姓名置呪

人脚下呪之百遍心念彼人其人立至降伏
捨怨憎之心若欲令人相憎者書彼二人名
號於自足下呪二百一十八遍其人等便相
離背不相愛敬若有相憎人令相愛敬者即
書取彼名姓於自足下呪一百八遍其人便
相愛重永不相捨若有未安樂之人令安樂
者取前人名字書足下呪三百遍當爲彼人
發大誓願我於彼時即自送辯才無滯隨行
若意所須之者並悉施與若持呪人求種種
珍寶摩尼如意珠等者但至心誦呪自限多

少我即自送滿其所願若欲治人病者作頓
病印先以左手頭指中指押索文印呪之一
百遍以印頓病人七下立瘥若病人臨欲死
者先於禁五路印然後治之即不死印自如
是先以准印以無名指屈向掌中豎小指呪
之百遍其患速除若治邪病者但於病患人
頭邊燒安息香誦之呪立除之若治蠱毒病
書患人名字紙上呪之即瘥若治精魅病者
亦如上法若治伏連病者書患人姓名及作
病鬼姓名埋患人牀下呪之其鬼速奉名字

自出現身便令彼鬼看三世之事一一具說
向人其病速瘥若有人患時氣病者呪師見
之即瘥若欲令行病鬼王不入界者於十齋
日誦我此呪一千八遍能除萬里衰患

第一

五

穢跡金剛說神通大滿陀羅尼法術靈要門
經

穢跡金剛法禁百變法門經

三藏沙門阿質達叢譯

爾時金剛復白佛言世尊若有善男子善女
人持我此呪無効驗者無有是處欲令山摧
者取白芥子三升上好安息香於山中疑有
寶處取寶鐵刀一枚畫四方爲界取淨巾一
枚香爐一枚燒安息香先呪一千八遍取白
芥子四散乃至七遍作是法其山自摧若有
寶之處其藏神捨寶而出任意用之若欲令
海竭者先呪一千八遍以金銅作一龍形擲